

桂遊日記

桂遊日記

道光丁酉七月

桂
游
日
記

聽松廬藏板

鼎彝圖卷之六

卦類目

卷之六

桂林之山甲天下南山先生欲觀桂山特爲桂遊適芸甫
水部延余課子因是獲與先生同舟晨夕論文談藝甚歡
至桂又相聚月餘此桂遊日記余見先生握管卽書風來
水面自然成文其中有記敘有辨論有考證名理清言層
見疊出吾知是編他日必與驂鸞錄入蜀記客杭日記諸
書並傳至詩之工妙則騷壇老宿海內共知無俟余之贅
述也道光十有七年歲次丁酉五月朔日會稽朱鳳梧識

桂游日記卷一



番禺 張維屏 子樹

昔人云桂林之山甲天下余欲覽其勝久矣去秋旋里今春閒暇乃往游焉

道光十七年丁酉二月二十八日出城登舟 朱鐵舫孝

廉先在舟中 李芸甫親家來言三月返桂 芸甫延

鐵舫至桂林課其子余因與鐵舫同舟 雨中過花埭

行十餘里泊 芸甫之友程遂菴 麟應杏橋 健劉春帆

德鴻 吳虞吉 嘉謀 往粵西亦於是日開船

將之桂林登舟有作

百年難得一身閒。擬借邨居靜閉關。花埭潘園宦蹟已回江

右轍遊蹤。又看粵西山。風中自愛雲舒卷。天外誰如鶴

往還。且喜同舟有仙侶。鐵舫峯巒佳處約躋攀。

會稽

朱鳳梧

鐵舫

次韻

林泉曾見幾人閒。文福詩情樂意關。到處總期添學問。
此行端不負湖山。雨能潤物因時化。雲本無心出岫還。
願署松廬新弟子。常隨杖履數追攀。

二十九日雨

午過佛山

閱說文解字

段氏本

段氏於說

文功深矣。然武斷處亦不少。

泊紫洞

巡船由廣返

梧芸甫命其隨行

三月初一日清明雨 輯經字異同

松心十錄之一

夜泊

初二日雨

輯經字異同

泊羅隱洞

地名從土音書之未必即羅江東也

初三日雨

偕鐵舫遊頂湖雇竹兜輿夫兩名因路滑添

雇兩名

繞田行昔人詩云田水聲中度筍輿善狀此

景

雨來以繖禦之里許雨止

至半山亭有扁曰小

歇亭下水石相激奔霆翻雪彷彿廬山三峽橋

肩輿

而上左盤右旋凡十四轉愈轉愈高層山層樹綠陰如

幄空翠濕衣

至慶雲寺門有雲頂二字寺僧導登鐘

樓有大鐘康熙年間鑄又登塢殿塔高丈餘四角然燈

寺內無足觀亟欲觀所謂飛泉

出寺約里許山高入

雲壁立如鐵有亭翼然仰見飛雪 瀑穿樹杪直灌石
頂石參差以犖确瀑跌宕而縱橫化爲雪花霏爲玉屑
礪爲珠塵他瀑奇在合此瀑奇在分他瀑妙在整此瀑
妙在散 瀑之奇在雨雨不大則瀑不奇連日之雨與
我以奇觀今日不雨助我之遊興老杜謂好雨知時節
余謂好雨知人意矣 飛泉亭旁有雍正五年阿文勤
公阿克敦石刻其文言山頂有湖湖中有龍昔有樵夫拾
得巨卵將攜歸雷電大作乃以卵還之湖雷電頓止又
言禱雨輒應余謂山名頂湖以山頂有水如湖也不言
頂而言鼎得非以龍之靈而神其說耶至謂夏禹於此

鑄鼎則無稽之言也。酉刻回船。

鼎湖飛泉亭觀瀑歌

匡廬瀑布天下奇。去年坐對心神怡。今晨特訪鼎湖勝。
快意欲慰平生思。打頭猛雨阻不得。拌此衣袂霑淋漓。
雨師肯退三舍避。似識遊志堅不移。半山小歇已悅目。
奔濤激瀨翻琉璃。左盤右折十四轉。層青疊翠如階梯。
我來爲瀑不爲寺。到寺雖飯猶輟飢。亟尋飛瀑舍寺去。
一亭屹立山四圍。登亭仰面忽叫絕。虛空粉碎誰所爲。
泉自山頂來逶迤。瀑直擊石石欲支。石力敵瀑瀑則馳。
縱橫跌宕紛離披。他瀑粗豪此細膩。俾色揣稱難爲辭。

雪花六出向風舞。珠塵萬斛當空揮。近觀勢作雨。點點遙瞻態若煙。霏霏匡廬瀑。似河漢落鼎湖。瀑類星斗飛。大哉造物巧。善變長短巨細。無不宜。我聞有湖在山頂。湖水不竭。龍宅斯。龍兮龍兮。本神物。禱雨輒應。來祁祁。但願居民年豐。遊客樂。此湖曰鼎。曰頂。一任疑傳疑。

同作

朱鳳梧

玉龍昨夜朝璇穹。同雲密布嵐氣蒙。翩然挂席凌長風。風利直抵羅隱洞。積雨乍收遊興濃。筍輿斜度紅棉紅。一十四轉盤古松。松盡寺見來清鐘。急欲觀瀑還中峯。箐密苔滑雲徑封。峯迴路轉撐雙瞳。有亭翼然當山中。

泉從頂出泉勢洶石欲阻泉泉不容縱橫跌宕開心胸
珠塵玉屑煙濛濛虛摹實擬俱難窮但見分風擘流妙
手眞空空我聞茲潭有伏龍龍來龍去無定蹤雨暘時
若年和豐亭名時若阿文勤公建龍德莫非天之功歸來擁被支
短篷枕邊時間羚羊峽水鳴淙淙

初四日陰 開船入羚羊峽 午前泊肇慶府城外 雇

轎遊七星巖 山質皆石樹簪石上衆綠映帶蒼潤欲
滴 至山麓舍輿而步寺內無足觀 至七星巖先尋
李北海碑摩挲久之 又觀元柳州總管達魯花赤題
刻 又帝觴百神之所六字明人劉盾昌朱完題 又

嶺南第一奇觀六字文安井錫題餘不悉記 入巖巖
口寬平巨石壓頂巖下有水水上石壁景福二大字在
焉水面有平橋旁有短欄循橋而左上不見天左轉數
武豁然開通天光透入見石柱長丈餘或數尺懸空垂
下下不及地 向天光而上是爲蓮花洞洞中供觀音
像又名觀音巖有石方廣名璇璣臺馮魚山黎二樵皆
有題刻 巖內之石長短方圓巨細不一人以意名之
曰石柱石鼓石鐘石桃石鳳皆石乳所凝結耳 申刻
回船

七星巖

紆回造星巖。突兀驚鬼斧。厓摩地疑穿。石巨天可補。降
精應北斗。佐鎮宅南土。深黑臨淵泉。空青闢牖戶。明明
現瓔珞。鑿鑿指鐘鼓。古臺立璇璣。妙藥采鍾乳。離離垂
雲根。裊裊出煙縷。洞陰潛蛟蚪。穴潤蓄風雨。奇觀白化
工。大氣誰力舉。秉炬窮其幽。采入勇可賈。

同作

朱鳳梧

星斗何年降。靈巖福地寬。洞天畱勝蹟。陰壑轉迴闌。石
骨忽然透。蓮花如是觀。摩挲古碑刻。日暮不知寒。

初五日晴

輯經字異同

閱說文

夜泊

德慶州界

初六日陰

東風揚帆

輯經字異同

夜泊

羅定州界

初七日雨 輯經字異同 午過封川縣城 夜泊 梧州

初八日雨 船抵府關請關 過關泊

初九日雨 水漲 船小人力少難上灘 芸甫之僕請

換新船 陰雨鬱悶賴有鐵舫同舟快談以破岑寂

蒼梧舟次

去年彭蠡方回櫂 去歲三月由南昌返南康時未卸郡篆 今日蒼梧乍泊

船千里舊遊頻入夢 百蠻春瘴總如煙 伏波銅柱勲長

在抱朴丹砂訣不傳 試問牂柯南下水滔滔曾閱幾桑

田 漢書地理志牂柯郡注牂柯係船棧也 華陽國志楚頃襄王遣莊躡伐夜郎軍至且蘭牂柯船于岸旣滅

夜郎以且蘭有牂船牂柯處乃名爲牂柯郡 案且蘭地名今赤雅牂柯一條脫且字

初十日晴 遷行李過新船此北流船之二號者 鐵舫

偕鄰舟童陳兩友閒步晚歸言永井寺稍有可觀

十一日陰 開船或撐篙或牽水纜過鹽關乃有緯路

輯經字異同 行五十餘里泊

十二日大風雨 不能開篷甚覺鬱悶 風狂雨急牀席
漏濕

舟中苦雨

此地天疑漏兼旬雨點麤風聲亂高柳雲氣滿蒼梧遠
望心如醉長吟興未孤泊船隨處好客枕慣江湖

同作

朱鳳梧